



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Ignatii Loiolae Vita**

**Maffei, Giovanni Pietro**

**Antverpiae, 1605**

Eiusdem ratio proximos adiuuandi. Cap. XI.

**urn:nbn:de:hbz:466:1-11486**

solitus est, quanto superiores inferioribus, gradus & virtutum insignibus, antecellunt. Idem, in respōdendo agendoque, simplicitatem ita cum cautione coniunxit, vt satis appareret, alteram alteri non modō impedimento non esse, verū etiam ornamento atque præsidio. Suspensa, vel ambigua, vel obscura verba, perplexum de industria incertumque sermonem; vel barbaras artes, & subdola mendacii tegumenta, fideique ac societatis humanae perniciem, semper est detestatus: ac suo monstrauit exemplo vereitatis cultor eximius, quantum inter prudentiam & calliditatem intersit.

### EIVSDEM RATIO PROXIMOS AD.

IVVANDI.

CARVT XI,

**M**IRAE fuit solertiæ in solicitandis mortalibus, & à dabolis seruiture ad Christi Domini obsequium traducendis. ac quibus artibus dæmon ad animarum peniciliæ vtitur, easdem ipse (quoad liceret, ac fas esset) ad hominum salutem ac beneficium transferebat. Voluntates ac naturas eorum, quibuscum ageret, festinè odorari; ambitiosis splendida, auaritiae, voluptuosis iucunda proponere; & suo, quod aiunt, hamo vel esca quémque piscari. Iam in congressu, maximè Principum, id obseruabat in primis, vt sermonis initia illis daret, extrema referueret sibi: cauebatque ne de rebus etiam diuinis ineptiæ vel ad satietatem ac fastidium ageret. Tristem verò & horridam sapientiam (vtique postquam in lucem hominum prodiit) semper vitavit: cumque philosophia nomen ipsum intelligeret, etiam si modestè tractetur, tamen satis odiosum esse per se; nihil in habitu suo, vel in genere vitæ, rarù aut notabile conspicui voluit: ac semper sese, quibus rebus honestè ac religiose potuit, ad cōmunem consuetudinem accommodauit; neque commisit, vt quod ipse non faceret, id in aliis reprehēdere putaretur: prorsus vt, eius mores prima fronte vel eminus intuenti, unus aliquis ē populo visideretur esse: verū quo propiū illum inspiceres, quo diutius ac familiarius vterere: eo magis præstantiam virtutesque viri, tanquam odorem ex affrictu, sentires: atque id ipsum est causa, cum nostris nullam in vestitu ornaturve religionis iniunxerit notam: sed quo facilius in hominum cœtus & consuetudinem irrepererit, ac tempestiuis colloquiis vnumquemque adiuuarēt; ybi cumque gentium

gentium versarentur, quam modestissimo eius gentis habitu ius-  
fit incedere: neque ullum dare signum animi à senti communis vel  
ab humanitate abhorrentis. Idem valde vituperabat moderato-  
res animarum eos, qui vel una eademque via, ac ferme quam ipsi  
tenuissent, ceteros etiam ad studium virtutis conarentur addu-  
tere; vel, dum taxat si quis ad pietatem esset sua spōte propensus,  
formandum regendumque susciperent: sed ipse nimis vel fe-  
ros & barbaros homines non dubitabat aggredi, sic, ut à singulis  
quod dabatur acciperet: & quos ad consilia Christi prouehere  
non posset, certe ad præcepta sensim allicere nitebat. atque ut  
bonus agricola non tantum rectas & fructuosas arbores, sed etiā  
depravatas neque ita fertiles colit: easque vel adminiculis erigit,  
vel circumcidendo castigat, vel sub aliena latenteribus umbra cœ-  
lum aperit, vel telluris vitio laboratibus mutat locum: sic ille, re-  
rum difficultate nequaquam exterritus, dispiciebat in primis quod  
ingenium qua ratione tractandum esset; iisdemque saepè morbis,  
pro varietate naturæ, non diuersas modò, sed etiam contrarias  
inter se medicinas adhibere consueuerat. Quod si quem, omnia  
expertus, tamen è cœno peccatorum extrahere nequivisset; non  
ideo contrahebat animum, vel se angori dabat, quasi oleum &  
operam perdidisset: sed conscientiæ & officii fructu contentus,  
acquiescebat in alto Providentiæ diuinæ consilio. De spirituum  
discretione, (quam ille scientiam habuit maximam) de que mode-  
randis affectibus, multa præcepit egregie: quæ quoniam extant  
scripta, (quemadmodū initio diximus) nihil est quod à nobis hoc  
loco ingerantur.

### VITA EIVS QVOTIDIANA ET DO- MESTICA.

#### CAPVT XII.

**S**OCIETATI Præpositus, denixa iam ætate; viuendi priua-  
tim hanc ferme normam tenebat. Manè, ut primū cui-  
gilasset, certum tempus dabat precationi & contemplatio-  
ni bonorum cœlestium: deinde, si sacrificandum illi esset, (quod  
munus, propter summam animi attentionem, & corporis imbe-  
cillitatem, saepè intermittere cogebatur) sacro, sub vesperam pri-  
die, ad Vrbis consuetudinem ordinato, & accuratè præcognito,  
rem diuinam faciebat: quæ recitanda forent, vel in priuato sa-  
cello, nemine præter administrum adstante, contra morē Hispani-  
ensem